

կը բարեխղճորեն կատարած դիտողութիւնների հիման վրա նկարագրում է ժողովրդական դեղերը և նրանց հետ շաղկապված սնահավատութիւնները: Այդ հետազոտութեան մեջ ազգագրագետը գտնում է իր եզրակացութիւնների համար բազմաթիւ կարեւոր և ստուգված նյութեր:

Առաջինը, որը հատկապէս ազգագրական ուսումնասիրութեան նպատակով և համապատասխան գիտական նախապատրաստութեամբ ձեռնարկեց Զանգեզուրի հայերի ազգագրական նյութերի սիստեմատիկ հավաքումը, Նրվանդ Լալայանն էր: Նա, թե՛ ինքը, կրկնակի անգամ այցելելով հետազոտվող վայրերը և տեղում գրանցելով իր դիտողութիւնները և թե՛ իր աշխատանքներին ներգրավելով տեղացի գավառագետներին՝ կարողացաւ հարուստ նյութ հավաքել ժողովրդական կենցաղի դանազան կողմերի մասին: Այդ նյութերի ամփոփումը նա տվաւ 1898 թ.՝ «Սիսիան» և 1899 թ.՝ «Զանգեզուր» հոգւածների մեջ, որոնք նախ լույս տեսան «Ազգագրական հանդէս»-ում և միաժամանակ արտատպւեցին առանձին գրքերով, որպէս Ա. և Բ հատորներ՝ «Զանգեզուրի գաւառ» ընդհանուր վերնագրով: Նման հետազոտութիւնների համար իր մշակած ծրագրի համաձայն այստեղ էլ Ե. Լալայանը համառոտ պատմական տեսութիւնից հետո կանգ է առնում շրջանի տեղագրութեան վրա և ապա հանգամանորեն նկարագրում է հայ բնակչութեան բնակարանը, զգեստն ու դարձարանքը, ընտանեկան բարքն ու ընտանեկան կյանքի կարեւոր մոմենտները, ժողովրդական տոները և վերջում էլ կցում է մի քանի նմուշ ժողովրդական բանահյուսութիւնից: Նա բավական ընդարձակ տեղ է հատկացնում հնագիտական և հատկապէս եկեղեցական ճարտարապետական հուշարձանների նկարագրութեանը և գրեթէ չի շոշափում աշխատանքային պրոցեսները և սոցիալական երևույթները:

Հաջորդ և ժամանակով վերջին հետազոտութիւնը, որը նվիրված է Զանգեզուրի ազգագրական նկարագրութեանը, լույս է տեսել 1931 թ. ռուսերեն լիզվով՝ «Научные записки Кавказского коммунистического Университета имени 26-и коммунаров» ժողովածուի I հատորի VI պրակում և միաժամանակ արտատպւել առանձին գրքով: Հոգւածը պատկանում է պրոֆ. Գ. Ֆ. Զուրսինի գրչին և կրում է «Армяне Зангезура» վերնագիրը: Հետազոտողն այդտեղ լայնորեն օգտագործել է թե՛ այն ավյալները, որ գտել է ռուսերեն և հայերեն հրատարակութիւններում, և թե՛ տեղում՝ որպէս Անդրկովկասի կենտրոնացրած գիտարշավի անդամ՝ Զանգեզուրում անձամբ հավաքած տեղեկութիւնները: Այդ հետազոտութեան դրական կողմերից մեկն այն է, որ հեղինակը՝ հենվելով կովկասյան ժողովուրդների և մասնավորապէս հայ բնակչութեան կենցաղի մասին իր ունեցած բազմակողմանի ծանոթութեան վրա՝ փորձում է դուրս տալ Զանգեզուրի հայերի մեջ հայտնաբերվող այս կամ այն ազգագրական երևույթի տարածված լինելը նաև այլ գավառներում, առանց սակայն ձգտելու նրա տարածվածութեան արեալը որոշելու:

Պրոֆ. Զուրսինի հետազոտութեան լույս ընծայման նույն՝ 1931 թվականին Հայկական ՍՍՀ Պետական պատմական թանգարանի Ազգագրական բաժինը կազմակերպեց իր առաջին գիտարշավը դեպի Զանգեզուր, դեպի նրա՝ Սիսիանի և Գորիսի վարչական շրջաններն՝ իմ ղեկավարութեամբ, բաժնի ավագ աշխատակցի՝ Եվգինե Գյոզալյանի և լուսանկարչի՝ Սուրեն Զալյանի մասնակցութեամբ: Գիտարշավի աշխատանքները տևեցին 43 օր՝ 1931 թ. օգոստոսի 30-ից